



BOLETÍN DEL CLERO DEL OBISPADO DE LEON

INDULGENTIAE CONFRATERNITATIS SANCTISSIMI ROSARII

(CONTINUACION)

IX.

PRO IIS QUI ASSISTUNT ANTIPHONAE

«SALVE REGINA» CANTATAE

40. Indulgentia trium annorum et totidem quadragenarum, si in ecclesia confraternitatis cum candela accensa (ubi usus viget, alibi adiungatur una «Ave María») assistunt antiphonae «Salve Regina» cantari solitae in festis B. M. V. quae ab universa ecclesia celebrantur (S. C. Indulg., 18 Septem. 1862 ad 4.) et in Apostolorum natalitiis, ac festis Sanctorum Ordinis Praedicatorum (Clemens VIII, *Ineffabilia*, 12 Febr. 1598.)

41. Indulgentia centum dierum, omnibus diebus per totum annum, si huic antiphonae post completorium assistunt (Clemens VIII, loc cit.)

42. Indulgentia quadraginta dierum in omnibus sabbatis ac diebus festivis per annum (Leo X, *Pastoris aeterni* 6 Oct. 1520.)

NOTA.—Indulgentias no. 40 et 41 recensitas legitime impediti, quominus in ecclesia huic antiphonae adstent, lucrari possunt

si eandem flexis genibus coram altari vel imagine B. M. V. recitant (Clemens VIII, *Ineffabilia*, 12 Febr. 1598.)

X.

PRO IIS QUI ORATIONEM MENTALEM

AUT ALIA SPIRITUALIA EXERCITIA PERAGUNT

43. Indulgentia Plenaria, semel in mense, si per integrum mensem quotidie per mediam horam vel saltem per quartam horae partem mentali orationi operam dant, die ad eorum arbitrium eligendo, quo sacramenta poenitentiae et eucharistiae recipiunt (Clemens X, *Ad ea*, 28 Ian. 1671.)

44. Indulgentia Plenaria, si in memoriam quadraginta dierum, quibus dominus Iesus stetit in deserto, per eundem numerum dierum in oratione, mortificatione et in aliis piis operibus sese exercuerint, semel in anno die ab ipsis eligendo (Pius VII, *Ad augendam*, 16 Februarii 1808.)

45. Indulgentia septem annorum et totidem quadragenarum, quoties per mediam horam mentali orationi operam dant (Clemens X, *Ad ea*, 28 Ian. 1671.)

46. Indulgentia centum dierum quoties per quartam horae partem meditationi vacant (Clemens X, loc. cit.)

XI.

PRO IIS QUI VISITANT CONFRATRES INFIRMOS

47. Indulgentia trium annorum et totidem quadragenarum, quoties infirmos confratres visitant (Clemens VIII, *Ineffabilia*, 12 Febr. 1598.)

48. Indulgentia centum dierum, si confratres infirmos ad ecclesiastica sacramenta suscipienda hortantur (Gregorius XIII, *Cum sicut*, 3 Ian. 1579.)

XII.

PRO IIS QUI SAFFRAGANTUR

ANIMABUS CONFRATRUM DEFUNCTORUM

49. Indulgentia Plenaria, si in quatuor anniversariis (diebus 4 Febr., 12 Iul., 5 Sept., 10 Nov.) quotannis in ecclesiis publicis tum fratrum, tum sororum Ordinis Praedicatorum institui

solitis, officiis defunctorum intersunt, ac confessi sacraque communione refecti ad intentionem Summi Pontificis orant, semel quolibet ex illis quatuor diebus (Pius VII, *Ad augendam*, 16 Febr. 1808).

50. Indulgentia octo annorum si exequiis adstiterint sequentes processionem quae in suffragium defunctorum quolibet die sabbati aut semel in mense per ecclesiam confraternitatis sive per claustum ducitur (Gregorius XIII, *Desiderantes*, 22 Mart. 1580).

51. Indulgentia trium annorum et totidem quadragenarum, quoties corpora confratrum defunctorum ad ecclesiam confraternitatis associant (Clemens VIII, *Ineffabilia*, 12 Febr. 1598).

52. Indulgentia centum dierum si cadavera confratrum cum vexillo confraternitatis ad sepulturam associant, vel si anniversariis pro animabus defunctorum confratrum celebratis intersunt, et ibidem ad intentionem Summi Pontificis orant (Gregorius XIII, *Cum sicut*, 3 Ian. 1579).

XIII.

PRO IIS QUI QUODCUMQUE CARITATIS VEL PIETATIS

OPUS PERAGUNT

53. Indulgentia sexaginta dierum quoties confratres aliquod opus caritatis et pietatis exercent (Gregorius XIII, *Gloriosi*, 15 Iul. 1579).

XIV.

PRO MORIENTIBUS

54. Indulgentia Plenaria, a sacerdote etiam extra confessionem per formulam communem applicanda, si Rosarium per hebdomadam recitare consueverunt (Innocentius VIII, 13 Oct. 1483; S. C. Indulg. Decr. 10 Augusti 1899).

55. Indulgentia Plenaria, si ex hac vita migrant manutentes candelam benedictam SS. Rosarii, dummodo semel, saltem in vita integrum Rosarium recitaverint (Hadrianus VII *Illius qui*, 1 Apr. 1523).

56. Indulgentia Plenaria, si sacramenta poenitentiae et eucharistiae recipiunt (S. Pius V, *Consueverunt*, 17 Septemb. 1569).

57. Indulgentia Plenaria, si contriti ss. nomen Iesu saltem corde, si ore non possunt, invocant (Leo XIII, Rescr. S. C. Indulg. 19 Aug. 1899).

58. Indulgentia Plenaria, si susceptis Ecclesiae sacramentis fidem Romanae Ecclesiae profitentes et antiphonam «Salve Regina» recitantes, B. Virgini se commendant (Clemens VIII, *Ineffabilia*, 12 Febr. 1598).

NOTA.—Quamvis heic relata sit pluries indulgentia plenaria in mortis articulo, tamen ad tramitem Decretorum S. C. Indulgent. una tantum acquiri poterit in mortis articulo sub una vel altera ex diversis conditionibus supra expositis.

XV.

PRO DEFUNCTIS

59. In ecclesiis Ordinis Praedicatorum altare SS. Rosarii pro sacerdotibus eiusdem Ordinis privilegiatum est pro anima cuiuscumque confratris (Gregorius XIII, *Omnium salutis*, 1 Sept. 1582).

60. In ecclesiis confraternitatis altare SS. Rosarii pro sacerdotibus confratribus gaudet privilegio, non solum in favorem confratrum defunctorum, sed etiam cuiuscumque defuncti, etiamsi aliud altare privilegiatum in eadem ecclesia existat. Imo, si in ecclesia non extat aliud altare privilegiatum, altare SS. Rosarii etiam pro quocumque sacerdote, quamvis confraternitati non adscripto, et in favorem cuiuscumque defuncti privilegiatum est (S. C. Ind. *Cameracen.* 7 Iun. 1842; Pius IX, *Omnium salutis*, 3 Mart. 1857).

PARS SECUNDA

Indulgentiae confratribus cum aliis fidelibus communes

61. Indulgentia septem annorum et tolidem quadragenarum, prima dominica cuiuslibet mensis, si processioni intersunt (S. Pius V, *Consueverunt*, 17 Sept. 1569).

62. Indulgentia Plenaria toties quoties in festo SS. Rosarii, sacramentis relecti, a primis vesperis usque ad occasum solis diei ipsius, in memoriam victoriae super Turcas apud Echinadas

insulas ope Rosarii reportatae, capellam (vel effigiem B. M. V. in ecclesia expositam: S. C. Ind. 25 Ian. 1866) visitant, ibique ad intentionem Summi Pontificis orant (S. Pius V., *Salvatoris*, 5 Mart., 1572, S. C. Indulg., 5 Apr. 1869, 7 Iul. 1885).

NOTA.—Ad lucranda praefata Indulgentiam, confessio poterit anticipari feria sexta immediate praecedenti festum SS. Rosarii (Leo XIII, Rescr. S. C. Ind., 19 Aug. 1899).

63. Indulgentia Plenaria in uno die octavae festi SS. Rosarii ad arbitrium unuscuiusque eligendo, si, sacramentis refecti, capellam SS. Rosarii, vel simulacrum B. M. V. in ecclesia expositum, visitant, ibique ad intentionem Summi Pontificis orant (Benedictus XIII, *Pretiosus*, 20 Maii 1727; S. C., Ind. 7 Iul. 1885).

64. Indulgentia Plenaria sub iisdem conditionibus in festo Corporis Christi et in festo Sancti Titularis ecclesiae (Gregorius XIII, *Desiderantes*, 22 Mart. 1580).

65 Omnes et singulae indulgentiae in hoc Indice contentae possunt per modum suffragii applicari animabus fidelium qui vinculo caritatis Deo coniuncti supremum diem obierunt; excepta tamen Plenaria in mortis articulo (Innocentius XI, *Ad ea*, 15 Iun. 1679).



DECRETUM

Cum Magister Generalis Ordinis Praedicatorum mandato obtemperans articuli XVI Constitutionis Apostolicae *Ubi primum* anno superiore edictae, novum Indulgentiarum Indicem huic S. Congregationi exhibendum curaverit, haec S. Congregatio illum diligentissime expendit, adhibita etiam opera quorundam ex suis Consultoribus. Cumque, mature perpensis omnibus, existimaverit nonnulla demenda, addenda, declaranda vel brevius exprimenda esse, has omnes immutationes, in Indicem praefatum inducendas, SSmo. [Dño Nostro Leoni Pp XIII per infrascriptum Cardinalem Praefectum subiecit.

Sanctitas autem Sua in audientia diei 29 Augusti 1899 eas benigne approbare dignata est, simulque novum hunc Indicem

uti supra redactum in omnibus et singulis partibus probavit Indulgentias omnes in eo contentas Apostolica Sua Auctoritate confirmavit, et, quatenus opus sit, denuo concessit; simul edicens praeter eas quae in praesenti Indice referuntur quascumque alias Confraternitatibus ss. Rosarii tributas, abrogatas seu revocatas esse censendas, ita ut quaecumque iam erecta vel in posterum erigenda sit Sodalitas ss. Rosarii a Magistro Generali Ordinis Praedicatorum iis tantummodo gaudeat Indulgentiis quae in hoc Indice insertae reperientur. Contrariis quibuscumque non obstantibus.

Datum Romae ex Secretaria eiusdem Sacrae Congregationis die 29 Augusti 1899.—FR. HIERONYMUS M. CARL. GOTTI, *Praefectus*.—L. ✠ S.—† A. SABATUCCI Archiepiscopus Antinoensis *Secretarius*.

(Se continuará.)

COLLATIONES MORALES PRO MENSE DECEMBRIS

1.^a

Au detur praeceptum eleemosynam erogandi = quomodo obligat huiusmodi praeceptum = Regulae servandae in eleemosyna faciendae. = Quae bonorum quantitas eroganda sit in necessitate extrema vel gravi quae vero in communi.

Casus.

Leonardus, vir nobilis, cum plures habeat filios, parce, sed pro dignitate vivit, nunquam vero eleemosynam fecit; quadam autem nocte, dum ad theatrum tenderet, mulier fame et inedia consumpta ei occurrit, quam, cum haberet tantum mercedem ad spectaculum necessariam, absque subsidio, dereliquit.

An et quomodo peccaverit Leonardus?

Quaestio liturgica.

An Missa de die obitus possit celebrari post biduum, dum hoc compleatur horis postmeridianis.

2.^a

Quinam possint ac debeant eleemosynam facere. = An medici, advocati et alii publici homines debeant pauperibus inser-

vire.=Quinam possunt eleemosynam recipere=cui restituenda est eleemosyna indebete vel fraudulenter accepta. ✓

Casus.

Paulus, hominis divitis filius, cum videat Antonium pauperem semper a parentibus dure repelli, ut ejusmodi duritiae remedium afferat, occulte et inconsulto notabilem pecuniae summam erogatur Antonio, qui, non habens necessitatem, in ebrietatibus et luxuriis acceptum dissipat.

An recte egerit Paulus? Quid de agendi ratione Antonii.

Quaestio liturgica.

An biduum istud incipiat a die obitus vel a sequenti.

3.^a

Quid sit correptio fraterna.=An detur praeceptum fraternae correptionis.=Quae requirantur conditiones ut obligationem inducat hujusmodi praeceptum.=Quomodo facienda sit correptio fraterna. •

Casus.

Andreas vir timoratus et licentia morum abhrruus, cum vitam agat in urbe parum religiosa et praeceptorum Decalogi et Ecclesiae nihil curans continuo blasphemias, profanationes festorum, lubrica verba et cantica luxuriosa audit et videt, aliquando etiam in propriis famulis; unde magna anxietate laborat timens ne reus fiat peccati, ideo quod hujusmodi excessus non corripiat; hinc quaeritur.

¿An peccaverit in singulis tacendo?

Quaestio liturgica.

An dies obitus et dies depositionis pro una eademque die haberi possint.

4.^a


An et quando obliget sub gravi praeceptum fraternae correptionis.=Quisnam ordo servari debet in fraterna correptione.=An hujusmodi ordo liceat aliquando mutari.=An sint corripiendi qui ex ignorantia peccant. .

Cum Laurentius, moderator et Joannes famulus alicujus collegii deambulatum irent, Antonium ejusdem collegii alumnus jam jam intrantem lenocinii domum viderunt a qua certo aufugeret si moderatorem vidisset; is vero timens inimicitiam Antonii, eo quod sit nobili genere natus, siluit, Joannes vero nec clamare nec moderatori ausus est animadvertere et Antonius domum ingreditur.

An et quomodo peccaverint Laurentius et Joannes

Quaestio liturgica.

Quot orationes dicendae sint in Missa quotidiana de *Requiem* quae cum cantu celebratur in duplicibus vi specialis indulti?



**Asociación de SUFRAGIOS MÚTUOS del Clero
de la Diócesis.**

Ha manifestado por conducto del Sr. Arcipreste de Vega-
mián que desea pertenecer á la Asociación, é ingresa en ella:

N.º 1091.—Fernández D. Constantino, dentro del primer año
de su ordenación.

León, 22 de Noviembre de 1899.—Dr. Adolfo Pérez Muñoz,
Canónigo-Secretario.

Núm. 12.

El día 16 de los corrientes falleció el Presbítero D. Joaquín García, Párroco de Castrillo de Porma, y habiéndose hecho constar que pertenecía á la Asociación y por certificado del señor Arcipreste que tenía aplicadas las misas, todos los asociados celebrarán por él la de Reglamento.